


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-34	Saba'	54	6	Makkiyyah	Ke-58	7





### Zaman Diturunkan

Surah Saba' diturunkan di permulaan peringkat kedua kehidupan Rasulullah s.a.w. di Mekah, sekitar tahun ke-4 hingga ke-5 Kenabian, setelah seruan Islam dilancarkan secara terbuka. Pada ketika itu, tuduhan-tuduhan yang menimbulkan keraguan terhadap Rasulullah s.a.w. dilemparkan, tuduhan-tuduhan seperti gila, tukang sihir, pendusta dan lain-lain telahpun mula disebarkan tetapi penentangan daripada pihak pembesar-pembesar kafir Quraisy belum lagi begitu kuat pada ketika itu. Syukur yang dituntut supaya keluarga Daud dilaksanakan juga dituntut daripada orang-orang Quraisy, mereka diancamkan dengan akibat buruk yang telah menimpa kaum Saba', mereka juga dinasihati supaya meninggalkan kepercayaan memuja jin dan para malaikat.

### Perkaitan Surah Saba' Dengan Surah Sebelum Dan Selepasnya

1. Di dalam Surah al-Ahzaab terdapat tema Muhammad sebagai خاتم النبيين dan sebagai pembawa rahmat, di dalam Surah Saba' pula segala tuduhan yang dilemparkan oleh orang-orang musyrikin ditolak dengan mengatakan Rasulullah s.a.w. adalah seorang نذير dan بشير (pembawa berita gembira dan ancaman).
2. Di dalam Surah al-Ahzaab dinukilkan beberapa kritikan oleh orang-orang munafiq terhadap Rasulullah, di dalam Surah Saba' ini pula dinukilkan beberapa kritikan orang-orang Quraisy terhadap Baginda. Seperti Rasulullah s.a.w. dikatakan telah mereka cipta al-Qur'an, Qur'an adalah dusta, karut dan sihir yang nyata.

### Beberapa Kata Kunci Dan Tema Utama Surah

1. Di dalam Surah Saba' beberapa kali rangkai kata وَقَالَ الَّذِينَ كَفَرُوا disebutkan untuk menolak segala tuduhan dan kritikan orang-orang musyrikin Mekah.

(a) Orang-orang musyrikin Mekah berkata: "Kiamat tidak akan berlaku sama sekali", mereka dijawab dengan mengemukakan sifat-sifat Allah bahawa hari kiamat itu pasti akan datang (Ayat: 3).

وَقَالَ الَّذِينَ كَفَرُوا لَا تَأْتِينَا السَّاعَةُ قُلْ بَلَىٰ وَرَبِّي لَتَأْتِيَنَّكُمْ عِلْمُ الْغَيْبِ

(b) Orang-orang musyrikin begitu hairan dengan seruan yang dikemukakan oleh Rasulullah s.a.w., kata mereka: "Bagaimana manusia akan kembali hidup setelah mereka hancur luluh dan menjadi tanah" (Ayat: 7).

وَقَالَ الَّذِينَ كَفَرُوا هَلْ نَدُلُّكُمْ عَلَىٰ رَجُلٍ يُتَّبَعُكُمْ إِذَا مَرَّكُمْ كُلُّ مَرْجٍ إِنَّكُمْ لَفِي خَلْقٍ جَدِيدٍ ﴿٧﴾

(c) Pemimpin-pemimpin Quraisy yang zalim dan sombong berkata dengan terus terang bahawa mereka sekali-kali tidak akan beriman dengan al-Qur'an, mereka diancam dengan hari kiamat yang dahsyat. Pada hari kiamat nanti, pengikut-pengikut yang lemah bagi ketua-ketua yang sombong akan berkata:



“Kalau tidak kerana kamu, tentu kami sudah jadi Islam” (Ayat: 31).

وَقَالَ الَّذِينَ كَفَرُوا لَنْ تُؤْمِنَ بِهِدَا الْقُرْآنَ وَلَا بِالَّذِي بَيْنَ يَدَيْهِ

(d) Orang-orang musyrikin Mekah juga mengkritik Rasulullah dengan mengatakan Baginda menghalang orang ramai daripada beribadat mengikut cara nenek moyang, mereka juga berkata Qur'an adalah dusta, karut dan sihir yang nyata (Ayat: 43).

وَقَالُوا مَا هَذَا إِلَّا إِفْكٌ مُفْتَرًى وَقَالَ الَّذِينَ كَفَرُوا لِلْحَقِّ لَمَّا جَاءَهُمْ إِنَّ هَذَا إِلَّا سِحْرٌ مُبِينٌ ﴿٤٣﴾

2. Rasulullah s.a.w. juga dilemparkan dengan pelbagai tuduhan seperti Baginda mereka al-Qur'an (Ayat: 8), gila (Ayat: 8), dusta (Ayat: 43), Nabi s.a.w. hanya manusia (Ayat: 43), Qur'an tidak lebih dari sihir yang nyata (Ayat: 43).

وَقَالُوا مَا هَذَا إِلَّا إِفْكٌ مُفْتَرًى وَقَالَ الَّذِينَ كَفَرُوا لِلْحَقِّ لَمَّا جَاءَهُمْ إِنَّ هَذَا إِلَّا سِحْرٌ مُبِينٌ ﴿٤٣﴾

(a) Orang-orang musyrikin Mekah menuduh Rasulullah s.a.w. telah berdusta atas nama Allah, kalau tidak begitu maka tentu Baginda gila (Ayat: 8).

أَفْتَرَى عَلَى اللَّهِ كَذِبًا أَمْ بِهِ جِنَّةٌ بَلِ الَّذِينَ لَا يُؤْمِنُونَ بِالْآخِرَةِ فِي الْعَذَابِ وَالضَّلَالِ الْبَعِيدِ ﴿٨﴾

(b) Allah s.w.t. menyeru supaya orang-orang musyrikin berfikir dan merenung, adakah Muhammad itu gila? Bukan, dia bukan gila جِنَّةٌ مِنْ جِنَّةٍ. Muhammad hanya diutuskan supaya mengingatkan manusia kepada azab yang dahsyat (Ayat: 46).

قُلْ إِنَّمَا أَعْظَمُكُمْ بِوَجْهِ اللَّهِ أَنْ تَقُومُوا لِلَّهِ مَتًى وَفُرْدَى ثُمَّ تَنْفَكُوا مَا بِصَاحِبِكُمْ مِنْ جِنَّةٍ إِنْ هُوَ إِلَّا نَذِيرٌ لَكُمْ بَيْنَ يَدَيْ عَذَابٍ شَدِيدٍ ﴿٤٦﴾

3. Orang-orang musyrikin Mekah ragu tentang hari akhirat, mereka tidak yakin dengannya, mereka selalu bertanya: “Bila ia akan berlaku?”.

(a) Mereka tidak percaya kepada hari kiamat, dengan terang mereka berkata: “Kiamat tidak akan berlaku kepada kita”. (Ayat: 3).

لَا تَأْتِينَا السَّاعَةُ

(b) Berkali-kali mereka bertanya: “Bilakah akan berlaku hari kiamat yang dijanjikan itu?” (Ayat: 29).

وَيَقُولُونَ مَتَى هَذَا الْوَعْدُ إِنْ كُنْتُمْ صَادِقِينَ ﴿٢٩﴾

(c) Orang-orang yang tidak percaya kepada hari akhirat akan disiksa kelak. (Ayat: 8).

بَلِ الَّذِينَ لَا يُؤْمِنُونَ بِالْآخِرَةِ فِي الْعَذَابِ وَالضَّلَالِ الْبَعِيدِ ﴿٨﴾

(d) Allah hendak membezakan dan mengasingkan antara orang-orang yang beriman kepada hari akhirat



dan orang-orang yang ragu tentangnya (Ayat: 21).

وَمَا كَانَ لَهُ عَلَيْهِمْ مِنْ سُلْطَانٍ إِلَّا لِنَعْلَمَ مَنْ يُوْثِقُ بِالْآخِرَةِ مِمَّنْ هُوَ مِنْهَا فِي شَكٍّ وَرَبُّكَ عَلَى كُلِّ شَيْءٍ حَفِيظٌ ﴿٢١﴾

(e) Pada hari kiamat kelak orang-orang yang ragu akan terhalang daripada mendapat kehendaknya, itu juga yang akan berlaku kepada orang-orang dahulu yang meragunya dan menimbulkan keraguan di dalam hati orang-orang lain (Ayat: 54).

وَجِيلَ بَيْنَهُمْ وَبَيْنَ مَا يَشْتَهُونَ كَمَا فُعِلَ بِأَشْيَاعِهِمْ مِنْ قَبْلُ إِنَّهُمْ كَانُوا فِي شَكٍّ مُرِيبٍ ﴿٥٤﴾

#### 4. Pemimpin dan pengikut.

Istilah الَّذِينَ اسْتَكْبَرُوا digunakan untuk pemimpin-pemimpin yang sombong dan takabbur, istilah الَّذِينَ اسْتَضَعِفُوا digunakan untuk pengikut-pengikut mereka, مُتْرَفِينَ juga digunakan untuk pemimpin-pemimpin yang sombong, takabbur dan hidup dalam kemewahan.

(a) Pada hari kiamat nanti, golongan مُسْتَضْعَفِينَ akan berkata kepada pemimpin-pemimpin mereka yang zalim bahawa: “Jika tidak keranamu, nescaya kami telah menjadi mu’min”. Maksudnya ialah kamulah yang menjadi penghalang kepada berimannya kami (Ayat: 31).

لَوْلَا أَنْتُمْ لَكُنَّا مُؤْمِنِينَ ﴿٣١﴾

(b) Golongan kafir itu akan menyesal pada hari kiamat kelak, mereka akan menyesal dan malu bila nampak azab (Ayat: 33).

وَقَالَ الَّذِينَ اسْتَضَعِفُوا لِلَّذِينَ اسْتَكْبَرُوا بَلْ مَكْرُ اللَّيْلِ وَالنَّهَارِ إِذْ تَأْمُرُونَنَا أَنْ نَكْفُرَ بِاللَّهِ وَنَجْعَلَ لَهُ أَنْدَادًا وَأَسْرُوا الثَّمَامَةَ لَنَا رَأَوْا الْعَذَابَ

(c) Pada hari kiamat kelak, para pemimpin orang-orang kafir akan bertanya pengikut-pengikutnya: “Adakah kami telah menghalang kamu daripada mendapat hidayat? Tidak! Kamu sendirilah yang bersalah, kenapa kamu tidak mengguna aqalmu, kenapa kamu mengikut kami?” Dari situ diketahui bahawa setiap manusia bertanggungjawab terhadap apa yang dilakukannya (Ayat: 32).

قَالَ الَّذِينَ اسْتَكْبَرُوا لِلَّذِينَ اسْتَضَعِفُوا أَنْتُمْ صَدَدْتُمْ عَنْ الْهُدَىٰ بَعْدَ إِذْ جَاءَكُمْ بَلْ كُنْتُمْ مُجْرِمِينَ ﴿٣٢﴾

(d) Kepada golongan مُتْرَفِينَ (golongan kaya dan mewah) dinyatakan satu hakikat sejarah bahawa setiap kali rasul mengingatkan penduduk sesuatu negeri, golongan مُتْرَفِينَ di kalangan mereka secara jelas dan terbuka berkata: “Kami tidak percaya kepada apa yang diutus engkau membawanya.” (Ayat: 34).

وَمَا أَرْسَلْنَا فِي قَرْيَةٍ مِنْ نَذِيرٍ إِلَّا قَالَ مُتْرَفُوهَا إِنَّا بِمَا أُرْسِلْتُمْ بِهِ كَاذِبُونَ ﴿٣٤﴾

#### 5. Syukur adalah satu tema utama Surah Saba’

(a) Keluarga Daud dituntut supaya bersyukur, ini kerana Nabi Sulaiman telah banyak menggunakan



khidmat jin, beliau telah berjaya menundukkan jin. Selain itu dinyatakan juga bahawa sangat sedikit di kalangan manusia itu orang yang bersyukur (Ayat: 13).

أَعْمَلُوا ءَالَ دَاوُدَ شُكْرًا وَقَلِيلٌ مِّنْ عِبَادِيَ الشَّكُورُ ﴿١٣﴾

(b) Kepada kaum Saba' dikatakan: "Kamu hendaklah bersyukur atas ni`mat-ni`mat yang dikurniakan Allah kepadamu, Allah Maha pengampun". (Ayat: 15).

كُلُوا مِن رِّزْقِ رَبِّكُمْ وَاشْكُرُوا لَهُ بَلَدًا طَيِّبَةً وَرَبُّ غَفُورٌ ﴿١٥﴾

(c) Kerana tidak bersyukur kaum Saba', mereka dihukum dan dinyatakan sebagai prinsip bahawa: "Begitulah orang-orang yang tidak bersyukur dihukum". (Ayat: 17).

ذَٰلِكَ جَزَاؤُهُمْ بِمَا كَفَرُوا وَهَلْ يُجْزَىٰ إِلَّا الْكَافِرُ ﴿١٧﴾

(d) Kerana tidak bersyukur kaum Saba'lah mereka tidak mendapat kebun-kebun yang subur dan menghijau, sebaliknya hanya mempunyai tanah gersang yang hanya dapat menumbuhkan pokok bidara dan pokok atsal. Mereka telah menjadi sebahagian daripada sejarah. Setiap manusia yang sabar dan bersyukur mendapat `ibrah dan pengajaran daripada akibat buruk yang diterima mereka (Ayat: 19).

فَقَالُوا رَبَّنَا بَعِدْ بَيْنَ أَسْفَارِنَا وَظَلَمُوا أَنْفُسَهُمْ فَجَعَلْنَاهُمْ أَحَادِيثَ وَمَرَّقْنَاهُمْ كُلَّ مُمَرِّقٍ إِنَّ فِي ذَٰلِكَ لَآيَاتٍ لِّكُلِّ صَبَّارٍ شَكُورٍ ﴿١٩﴾

6. Di dalam Surah Saba' dijelaskan tentang ilmu Allah, Dia mempunyai pengetahuan yang sempurna tentang perkara ghaib.

(a) Tidak ada suatu apa pun baik di bumi mahupun di langit tersembunyi kepada Allah, Dia adalah عالم الغيب (Ayat: 3). Allah juga adalah عَلَّامُ الْغُيُوبِ (Ayat: 48).

عَلِيمُ الْغَيْبِ لَا يَعْزُبُ عَنْهُ مِثْقَالُ ذَرَّةٍ فِي السَّمَوَاتِ وَلَا فِي الْأَرْضِ وَلَا أَصْغَرُ مِنْ ذَٰلِكَ وَلَا أَكْبَرُ إِلَّا فِي كِتَابٍ مُّبِينٍ ﴿٤٨﴾

(b) Makhluk jin juga tidak mengetahui perkara ghaib, ketika Nabi Sulaiman meninggal dunia dalam keadaan berdiri sambil bertongkat, golongan jin terus bekerja keras kerana menganggap Nabi Sulaiman masih hidup. Setelah anai-anai memakan tongkat Nabi Sulaiman barulah Baginda jatuh, ketika itu barulah terbukti bahawa jin juga tidak mengetahui perkara ghaib, jika mereka mengetahui Nabi Sulaiman telah mati, tentulah mereka tidak bekerja keras sampai begitu (Ayat: 14).

لَوْ كَانُوا يَعْلَمُونَ الْغَيْبَ مَا لَبِثُوا فِي الْعَذَابِ الْمُهِينِ ﴿١٤﴾